



## Universitätsbibliothek Paderborn

**Theologia Moralis Universa, Complectens Omnia Morum  
Præcepta, Et Principia Decisionis Omnium Conscientiæ  
Casuum, Suis Quæque Momentis Stabilita**

Ad usum Parochorum, & Confessariorum

Continens Tractatus de Conscientia, de Legibus, de Peccatis, de Virtutibus  
Theologicis, de Religione, & Beneficiis. Adjunctis in hac editione  
Propositionibus ad hanc usque proscriptis

**Antoine, Paul-Gabriel**

**Ingolstadii, 1734**

**VD18 90392140**

Q. 8. Quid est Maleficium.

**urn:nbn:de:hbz:466:1-40986**

ta, vel futura per media vana, & improportionata inquirunt, prædicunt, enuntiant, vel qui tales consulunt, aut eorum dictis fidem certam adhibent. Item qui alios de fortuna consulunt seriò, vel cum scandalō si autem joco tantūm, nec fides adhibeatur, & scandalum absit, dicunt esse solum veniale, quia superstitione non est perfecta, nec lèria. Obstat tamen, quod consulens cooperetur peccato mortali alterius, ideoque mortaliiter peccet, nisi uterque joco tantūm agat, nam tunc videtur peccare solum venialiter. 2. Qui notitiā ex divinatione partā utuntur tanquam certā, vel actiones suas secundūm eam dirigunt. 3. Qui ad aliquid obtainendum media inepta, & improportionata adhibent, etiam joci causā, sed ex quadam curiositate, ut experiantur, quid casu accidat, quamvis potent, totum esse vanum & futile: nam ii tentant experiri, an dæmon de factō se illis mediis immisceat: ergo tentant cum dæmonie societatem habere, quod mortale est, etsi jocofiat. *La Castropal. La Croix, &c.*

*Q. 8. Quid est Maleficiū?*

*Reſp.* Est ratio nocendi aliis ope dæmonis: unde continet triplicem malitiam mortalem, scilicet contra Religionem, charitatem, & justitiam. Duplex est, aliud dicitur *veneficiū*, quo alicui in proprijs per-

sona, vel animalibus damnum infertur, morbis, doloribus, morte, &c. Fitque multis modis, utendo vel causis naturalibus cognitis ope Dæmonis, aut signis, ut cùm imagines punguntur in aliqua parte, & tunc atii lœduntur in simili parte corporis: vel signa quædam aliorum corporibus, vel vestibus applicando, quibus durantibus male afficiuntur. Aliud est amatorium, seu philtrum, quod adhibetur ad carnalem amorem, vel odium excitandum, dæmone humores, & phantasiam commovente, unde oritur gravis tentatio, quæ tamen libertatem non adimit: quare qui philtro infecti in rem venereum consentiunt, verè peccant mortaliter.

Porro maleficium tolli potest 1. Exorcismis, oratione, pœnitentia, jejuniis, & aliis pietatis operibus. 2. Remediis ex Medicina petitis. 3. Destructione seu combustione signorum, quibus annexum est pactum, præcisè ut operum Diaboli, ex Rit. Roman. d. Exorciz. at non licet illud tollere per aliu i maleficium, vel superstitionem, cùm sit intrinsecè malum invocare dæmonem, vel ad id inducere.

*Not.* Divinatores, magi, & malefici non sunt absolvendi, nisi omne pactum cum dæmone, & commercium abjurent, ac dissolvant, & omnia signa, artis magicæ instrumenta, libros, schedas, ligaturas comburant, & damna illata resarciant. Quod

Rr 5

§

si Chirographum dæmoni dederint, non  
necessè est illud ab eo extorqueri; nam  
ad ejus destructionem sufficit pœnitentia.

## ARTICULUS II.

*De Irreligiositate.*

**I**Rreligiositas est peccatum, quo Deus in  
se, vel in rebus, aut personis sacris in-  
honoratur. Quintuplex est species, scili-  
cet, blasphemia, tentatio Dei, sacrilegium,  
simonia, & perjurium, de quo jam egi.

**Q.** i. *Quid est Blasphemia, & quo-  
plex?*

*Resp.* i. Blasphemia est locutio contu-  
meliosa in Deum: triplex est specie diver-  
sa, nempe Hæreticalis, Imprecativa, & me-  
rè Dehonestativa. Hæreticalis est ea, quæ  
hæresim continet, & sic duplē habet  
malitiam mortalem, nempe contra fidem  
& Religionem: sit vel attribuendo Deo  
id, quod ei non convenit: ut si dicatur ty-  
rannus, crudelis, injustus, &c. Item o mi-  
serum Deum; vel de eo negando, quod ei  
convenit: ut si dicatur non esse omni-  
potens, bonus, misericors, non curare nostra,  
non prospicere rebus humanis, non omnia  
esse bene ordinata, dæmonem esse Deo  
me-